

ESPETXEETATIK EUSKAL HERRIARI

GOSE GREBAREN ARRAZOIAK

Estatu frantziar eta espainiarrean giltzaperatuak gauden euskal preso politikoak gizarteari zuzentzen gatzai, pairatzen dugun egoera larri honetatik. Gure kontra garatzen ari den exterminio, errepresio, jarraipena, sakabanaketa lortu nahia, Euskal Herriak, bizi duen egoera ekonomiko, sozial, politiko larriari estuki loturik ulertzen dugu. Gobernu espainiarra burutzen ari den euskal nazio izaeraren ezereztatze politika berberaren emaitza da, gobernu frantziarraren eta PNVren gisara, herri bezala dagozkigun eskubideen lorpenerako aukerak baztertzeko prest dauden alderdi erregionalisten laguntzaz.

Testuinguru honetan guztiz adierazgarriak dira Kolektibo gisa bizitzen ari garen azken gertakari errepresiboak. Sakabanaketa beraren mekanismoetatik hasita, eraso eta tortura tresnen zabalpena, isolamendua, ziega aldaketa jarraiak, jipoiak edo oinarritzko eskubideen ukatze sistematikoa; eta hauei azkenaldi honetan bi elementu barri batu zaizkie, estatua ematen ari zaizkion erabilpena dela eta: intoxikazioa eta gurekin kontaktuak izateko saioak.

Noski, bergizarteratze-damutze planen porrot jarraia konprobatzean (gartzela baldintzen gogortzean oinarrituak, gerora hobekuntza batzuekin, baimenak, gradu aldaketa, borroka frontea uztearen baldintzapean eta amore eman dezan gartzela instituzioen aurrean bere erabilpen politikorako, irtenbide erreala eman nahian, Kolektibo barruan irteera indibidualak erreztuz), intoxikazio politika argi bati ekin dio, ustezko grabazio batzuk aurkeztuz, Kolektiboan ahultasun eta sakabanaketa ematen delakoan, EMAN banandu nahian edo gutxienez segurtasun-eza sortu nahi Prozesuan. "Bigun eta gogorren"

tesi polizial zaharra da gartzeletara trasladatua eta helburu batez, gure artean elkartasun-eza erabat bultzatzea, orain arte lortu ez dutena eskuratu nahian: sakabanaketa.

Bestalde, jarraipen eta eraso egoera hau ematen den bitartean, kontaktua izan nahian mezulariak etorri zaizkigu, promesa faltsuak eginez, gauden egoera inhumano honetan ETA Erakunde Armatua presionatuko genuelakoan "negoziaketa tekniko" bat onar dezan, eta borrokara eraman gaituzten, egoera honetara ekarri gaituzten eta borrokan segitzera bultzatzen gaituzten helburu politikoak baztertuz.

Horrela pentsatzen dutenek, PSOE eta PNVk, akats handi bat egiten dute: guretzat Negoziaketa Politikoa ez da daramagun borrokaren helburu politiko; Gure herriaren Subiranotasun Nazionalaren alde borrokatu gara eta borrokatuko dugu, gure izaera nazionala aitortzeko, autodeterminazio eskubide demokratikoaren ejerzizioan oinarrituko litzatekeena; era honetara ETA eta Estatuaren arteko Negoziaketa Politikoa da aitortzen hori burutuko dela ziurta dezakeen tresna bakarra. Are gehiago estatutuaren bidea espainiar konstituzioaren barne, bide hila denean argi asko, espainiar zentralismoaren eta hauen plangintza europeisten aurrean, herrien existentziaren aitortzen politikoarentzat lekurik ematen ez dutenak. Eta gainera Euskal Herria krisialdi ekonomiko larri batetan murgilduta dago, egoerari aurre egiteko tresna propioen falta argi batez, Estatuak eta Europak inposatua datorrena eta gure errekurtsio ekonomiko guztiekin amaitu asmo duena. Are gehiago Administrazio Publikoaren aldetik, bai vascongadoa, foral nafarra edo espainiarraren aldetik, kultur zapalketa ematen ari denean, hizkuntza eta kultur diskriminazio argi

baten bitartez Euskal Herria desnazionalizatzeko prozesu bat garatzen ari dena.

Kuriosoa da egoera honetan prexixoki PNVk Autodeterminazio Eskubidea baztertea, Euskal Herriaren subiranotasun nazionalaren aitortzea baztertea suposatzen duena. Hauda PNVren morroitzaren prezioa bere "poltronak" eta "negozioak" mantentzeko, gure herriari bizkarreratuz eta era honetara espainiar interesak defendatuz.

Kuriosoa da ere EA eta EUE alderdien zalantzarritasuna, egoera larri hau ikusten duten arren bide "demokratikoetaz" eta "parte-hartze instituzionalaz" hitzeginez, gure herriaren subiranotasuna lortzeko.

Zein bide demokratiko? Gure herriak ezezkua eman dion konstituzioarenak? NATOren egitura militarrean sartzeari inposatzen diguten eta gazteak soldaduzka egitera behartzen dituzten "pakezale demokratikoenak"? Botere judiziala GAL taldeetan inplikaturako ejekutiboari estuki lotuta dagoen batetako demokratenak, Ynestrillas askatuz, Amedo indultatu nahian eta milaka urtetako gartzela zigorra ezartzen digutenak, konbenientzia politikoaren arabera erizpide ezberdinak erabiliz?

Zein instituzio? Autodeterminazio Eskubidea testimonialki sinatzen dutenak jakin arren marko honetan bere aplikapena ezinezkoa dela? Botere errealek ez duten haiek, ekonomiko edo politikoa, gure herriaren arazoak konpontzeko? "Zuzenbidezko estatu demokratiko" batetakoak, non erreprimitu egiten den, torturatu, oinarritzko eskubideak bortxatu eta kontrolatu egiten den, korkuera legea inposatu, guardia zibilak agintzen jarraitu eta torturatzailerak indultatu egiten dituzten? Egutetik egunera ustelkeri eskandaluetan geroz eta gehiago inplikatutako dauden instituzio eta alderdiak, krisis eta miseria egoera honetan? Estatuaren interesen gestioa egin beharra duten instituzioak, edukin gabeak, benetako boteredunak, eta herri interesei enfrentatuak?

Izan gaitezen serioak. Estatu demokratikoa eta herrien eskubide kolektibo eta indibidualak aitortu eta isladatzen dituen da, eta ez armaren indarrez hauek ukatuz bere ereduak inposatzen duena. Jarrera inposatzaile hau, esdtatuaren intrasijentzia eta arazoa konpontzeko borondate faltak eragiten du, gure eskubide eta askatasun nazionalak lortzeko posible diren bide guztiak erabiltzea.

Guztionez egoera argi dago, orain artean burutu dugun eta burutzen ari garen borroka herri bezala dugun duintasuna eta eskubideak berreskuratzean oinarrituta bazegoen, une honetan, inoiz baino gehiago, **Herri gisa irautekoda, kolektiboki sufritzen dugun erasoaldiaren aurrean**. Hauteskunde programa, promesa faltsu edo imagin hobetzetatik kanpo dagoen zerbait, edukinik ez duten jarrera testimonialez harantzago dagoen zerbait, eta noski, ekainak 6ko hauteskundeetatik harantzago dagoena.

Gure herriaren subiranotasun nazionalaren aldeko borrokan, **konprometuz tinko eta argi bat eskatzen du egoera honek, bere ekspresioa autodeterminazio eskubidearen aitortuenean duena, Negozia eta Politikoaren bitartez, hau bait da eskubide hori bermatuko duen bide bakarra, eta Amnistia Osoa, egungo enfrentamendu politiko egoera gainditzeko.**

Planteamendu honekin koherente eta gure herriaren askapen nazionalaren aldeko borrokarekin kontsekuente, estatu frantses eta espainiarrean giltzaperatutako euskal preso **gose greba** bat hasiko dugu maiatzak 24an, **Autodeterminazioa eta Amnistiaren aldeko** borrokan dugun konprometua birbaieztatu nahian gauden espetxetik (hala ere kolektiboak zenbat kideri eskatu dio, 50 inguru, ez dezala borroka hau burutu, pairatzen duten egoera fisiko edo sikiko makala dela eta, aurkitzen garen egoera latza eraginda, eta protestaldi bateratu honekin bat eginez beste modu batetara).

Era honetara gure herriaren geroak kezkatzen gaituela azaldu nahi dugu eta Euskal Herriko gizon zein emakumezko guztiei deialdi bat luzatu, espejismoek engainatzen utzi gabe, gure herriaren askapenaren aldeko borrokan parte har dezaten, hau ezin bait da soilik instituzio edo alderdien eskutik geratu, Euskal Herriaren berreraikitzen nazionala guztion arteko lana bait da.

Askapen konprometuz honen koherentzia eta zintotasunetik, gutako bat baino gehiago heriotzera eramane duena, Peio Mariñelarena esate batera, zera esan nahi dugu: ez dugula gu bahitu politiko edo truke moneta gisa erabiltzen utziko, borrokatzera eramane gaituzten helburu politikoak bazter ditzagun, eta PNV eta PSOE egiten ditugu enfrentamendu honen luzapenaren erantzule, sufritzen dugun eta gure herriak bizi duen egoera latzaren erantzule. Pello Mariñelarenari hemendik omenaldirik beroena egin nahi diogu eta berak emana zinez aitortzen diogu.

Guzti honegatik Euskal preso politikoek kolektiboak ematen diogun erantzuna, bai gu banatzeko saioei zein errepresioari eta amore emate politiko planteamenduari, ezin da beste bat izan guztion artean, eskutan ditugun medio guztiekin eta bakoitzaren konprometuz, Euskal Herria libre eta soberano bat lortuko dugunaren segurtasun eta konfidantzaz.

GORA EUSKADI ASKATUTA!

JO TA KE IRABAZI ARTE !

Euskal Preso Politikoen Kolektiboa.

1993ko maiatza.